



Služba za komunalne i inspeksijske poslove

Broj: 04-04-1340/22
Lukavac, 29.04.2022. godine

Na osnovu člana 69. stav (2). tačka d), člana 70. stavovi (1), (4) i (6) Zakona o javnim nabavkama („Sl. glasnik BiH“, broj: 39/14) te na preporuku Komisije za provođenje postupka javne nabavke broj: 04-04-1340/22 od 27.04.2022. godine u otvorenom postupku nabavke radova na rušenju i uklanjanju objekata i građevina po inspeksijskom rješenju, Pomoćnik gradonačelnika u Službi za komunalne i inspeksijske poslove d o n o s i

**ODLUKU
o poništenju postupka javne nabavke**

Član 1.

Poništava se otvoreni postupak javne nabavke radova na rušenju i uklanjanju objekata i građevina po inspeksijskom rješenju, jer nijedna od primljenih ponuda nije prihvatljiva.

Član 2.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja.

O razloženje

Postupak javne nabavke pokrenut je Odlukom o pokretanju postupka javne nabavke broj: 04-02-1339/22 od 30.03.2022. godine. Javna nabavka sprovedena je otvorenim postupkom. Procjenjena vrijednost javne nabavke bez PDV-a je 299.000,00 KM.

Obavještenje o nabavci broj: 719-1-3-14-3-34/22 objavljeno je na Portalu javnih nabavki dana 01.04.2022. godine.

Komisija za provođenje postupka nabavke imenovana Rješenjem broj: 02-04-1427/22 od 05.04.2022. godine dostavila je Zapisnik o pregledu i ocjeni ponuda broj: 04-04-1340/22 od 27.04.2022. godine, Preporuku o poništenju postupka javne nabavke broj: 04-04-1340/22 od 27.04.2022. godine i Izvještaj o radu broj: 04-04-1340/21 od 27.04.2022. godine.

Uvidom u Izvještaj o radu utvrđeno je da je Komisija za provođenje postupka nabavke izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljena jedna blagovremena ponude, a da neblagovremenih ponuda nije bilo;



- da je Ponuđač Javno preduzeće za komunalne i zanatske usluge "RAD" d.o.o. Lukavac dostavio ponudu koja nije uvezana na način propisan tačkom 14.1.tenderske dokumentacije. Navedeni ponuđač je dostavio ponudu uvezanu u fasciklu sa metalnim mehanizmom, ali nije osigurao jemstvenikom čija su oba kraja na prvoj ili posljednjoj strani pričvršćena utisnutim žigom ili naljepnicom ovjerenom pečatom dobavljača, a što je traženo tačkom 14.1. tenderske dokumentacije. Ponuđač na strani 4. ponude u Obrascu za cijenu ponude (Prilog 3.) nije popunio rok plaćanja. Daljim pregledom ponude, Komisija je konstatovala da je ponuđač na strani 12. Ponude dostavio nejasno uvjerenje kao dokaz o radnom iskustvu. Na jednom mjestu je napisano da je traženi inženjer iz tenderske dokumentacije (tačka 13.3.1.a)1)) po zanimanju diplomirani inženjer građevinarstva, dok u drugom dijelu uvjerenja stoji da obavlja poslove diplomiranog mašinskog inženjera-VSS.
Zbog naprijed navedenog Komisija je ponudu u skladu sa članom 68.stav 4.tačka i) Zakona o javnim nabavkama i tačkom 14.2. stav 4. tenderske dokumentacije, odbacila.

Uvažavajući razloge za odbacivanje ponuda definisane članom 68. stav 4. tačka i) ZJN („Službeni glasnik BiH“ broj: 39/14), komisija je dala preporuku Pomoćniku gradonačelnika za Službu za komunalne i inspeksijske poslove da se postupak nabavke radova na rušenju i uklanjanju objekata i građevina po inspeksijskom rješenju poništi.

Uzimajući u obzir navedeno odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Grad Lukavac-Služba za komunalne i inspeksijske poslove Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

Dostaviti:

1. Javno preduzeće za komunalne i zanatske usluge "RAD" d.o.o. Lukavac i
2. Arhivi.-

POMOĆNIK GRADONAČELNIKA
(ovlaštenje broj: 02-30-92/22 od 07.03.2022. godine)
Mirela Bubić, dipl. pravnik

